

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SITA

KIKAO CHA TISA

09 FEBRUARI, 2017



ORODHA YA SHUGHULI ZA LEO

MKUTANO WA SITA

KIKAO CHA TISA – TAREHE 09 FEBRUARI, 2017

I. DUA:

II. HATI ZA KUWASILISHA MEZANI:

WAZIRI WA FEDHA NA MIPANGO:

Muhtasari wa Tamko la Sera ya Fedha Mapitio ya Nusu Mwaka, 2016/2017 (Monetary Policy Statement The Mid – Year Review, 2016/2017).

WAZIRI WA MAJI NA UMWAGILIAJI:

Taarifa ya Mwaka ya Mamlaka ya Udhhibiti wa Huduma za Nishati na Maji kwa Mwaka wa Fedha unaoishia tarehe 30 Juni, 2016 [The Annual Report of Energy and Water Utilities Regulatory Authority for the Financial Year ended 30th June, 2016.

MWENYEKITI WA KAMATI YA BUNGE YA KILIMO, MIFUGO NA MAJI:

Taarifa ya Kamati ya Kudumu ya Bunge ya Kilimo, Mifugo na Maji kwa Kipindi cha kuanzia Januari, 2016 hadi Januari, 2017.

MWENYEKITI WA KAMATI YA BUNGE YA ARDHI, MALIASILI NA UTALII:

Taarifa ya Kamati ya Kudumu ya Bunge ya Ardhi, Maliasili na Utalii kwa Kipindi cha kuanzia Januari, 2016 hadi Januari, 2017.

III. MASWALI:

OFISI YA WAZIRI MKUU:

95. MHESHIMIWA HALIMA ABDALLAH BULEMBO (VITI MAALUM):

Atamuuliza Mheshimiwa Waziri Mkuu:- Serikali imeanzisha Benki ya Wanawake na Benki ya Kilimo na kwa sasa asilimia kubwa ya Watanzania ni Vijana:-

- (a) Je, ni lini Serikali itaona umuhimu na kuanzisha Benki ya Vijana;
- (b) Je, kwa nini Serikali isianzishe dhamana kwa Vijana kukopa;
- (c) Je, Serikali haioni umuhimu wa kujenga Mfumo madhubuti wa Hifadhi ya Jamii ili Vijana waweze kujiwekea akiba ya uzeeni, kupata bima ya afya na kupata mikopo ya kuendesha biashara zao.

OFISI YA RAIS (TAMISEMI):

96. MHESHIMIWA MARWA RYOBA CHACHA (SERENGETI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Ujenzi wa Maabara za Shule za Sekondari Wilaya ya Serengeti umeshakamilika kwa kiwango kikubwa lakini Maabara hizo zimebaki kuwa makazi ya popo:-

Je, ni lini Serikali italetwa vifaa vya Maabara kama ilivyoahidi.

97. MHESHIMIWA JORAM ISMAEL HONGOLI (LUPEMBE):

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Wilaya ya Njombe ilianzishwa mwaka 1982 lakini mpaka leo hii haina Hospitali ya Wilaya na ina Vituo vitatu vya Afya:-

(a) Je, ni lini Serikali itatoa fedha kwa ajili ya ujenzi wa Hospitali ya Wilaya;

(b) Je, ni lini Serikali itatoa fedha za kuviwezesha vituo hivi vya afya kutoa huduma ndogo ya upasuaji ili kupunguza vifo vya Akina Mama na Watoto pamoja na Wananchi wengine.

OFISI YA RAIS (UTUMISHI NA UTAWALA BORA):

98. MHESHIMIWA DKT. GODWIN OLOYCE MOLLEL (SIHA):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Ushirika katika Wilaya ya Siha umekumbwa na matukio ya ufiadini yakiwemo upotevu wa zaidi ya shilingi milioni 840 katika Ushirika wa Siha Kiyeyu, upotevu wa shilingi milioni 337 ya SACCOS ya Sanya juu pamoja na matumizi mabaya ya ardhi licha ya uchunguzi mzuri uliofanywa na TAKUKURU - Mkoa:-

Je, ni kwa nini uchunguzi huo unaingiliwa na maslahi binafsi ya Watu wachache na kusababisha matukio yanayodhalilisha Serikali.

WIZARA YA UJENZI, UCHUKUZI NA MAWASILIANO:

99. MHESHIMIWA MUSSA BAKARI MBAROUK (TANGA MJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Kwa muda mrefu hakuna usafiri wa uhakika kati ya Pemba na Tanga hali inayopelekea vyombo vya usafiri vya kienyeji kupata ajali mara kwa mara na kupoteza maisha ya watu na mali zao:-

Je, Serikali ina mpango gani wa kununua meli ya kisasa na ya uhakika ili kuokoa wasafiri wa Tanga – Pemba.

WIZARA YA ARDHI, NYUMBA NA MAENDELEO YA MAKAZI:

100. MHESHIMIWA ALMAS ATHUMAN MAIGE (TABORA KASKAZINI):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Kufunguka kwa mawasiliano ya barabara za Tabora, Nzega, Tabora – Manyoni na Tabora – Kigoma kumeleta maendeleo ya kukua kwa Mji wa Tabora na kuongezeka shughuli za uwekezaji na ujenzi wa nyumba za makazi na biashara:-

Je, ni lini Serikali italeta Msajili wa Hati za Viwanja Tabora ili aweze kuidhinisha hati za Viwanja kwa Wakazi na Wawekezaji kwa kuwa kwa sasa huduma hizo hazipo Mkoani Tabora.

WIZARA YA MAJI NA UMWAGILIAJI:

101. MHESHIMIWA NJALU DAUDI SILANGA (ITILIMA):

Atamuuliza Mheshimiwa Waziri wa Maji na Umwagiliaji:- Mradi wa maji wa Mwalishu ulianza kutekelezwa tarehe 19/01/2014 na Vituo vyote 28 vimejengwa, mabomba yamelazwa na matenki

mawili yamekamilika, lakini mradi huo hautoi maji mpaka sasa kutokana na mkandarasi kutolipwa fedha zake:-

Je, ni lini Serikali itatoa pesa ili Wananchi wa maeneo hayo waweze kupata maji safi na salama.

102. MHESHIMIWA ALLY MOHAMED KEISSY (NKASI KASKAZINI):

Atamuuliza Mheshimiwa Waziri wa Maji na Umwagiliaji:- Serikali imekwishatumia zaidi ya shilingi Milioni Mia Nane kwa ajili ya Mradi wa Skimu ya Lwafi lakini Mradi huo haujawanufaisha kabisa Wakulima zaidi ya elfu nne kwa sababu haujakamilika:-

Je, ni lini Serikali itapeleka fedha ili kukamilisha mradi huo na kuwa msaada kwa Wakulima wa mpunga zaidi ya elfu nne.

103. MHESHIMIWA ALEX RAPHAEL GASHAZA (NGARA):

Atamuuliza Mheshimiwa Waziri wa Maji na Umwagiliaji:- Jimbo la Ngara ni miongoni mwa Majimbo tisa ya Mkoa wa Kagera yenye tatizo kubwa la maji safi na salama katika Vijiji vyake vingi; na Jimbo hili lina utajiri mkubwa wa vyanzo

vya maji vikiwemo Mto Kagera na Mto Ruvubu pamoja na mlima mrefu kuliko yote ya Mkoa wa Kagera (Mlima Shunga) ambao kitako chake kinagusa hii mito yote miwili kiasi kwamba yakijengwa matenki makubwa kwenye kilele cha Mlima huu maji yanaweza kusambazwa kwa mtiririko Vijiji vyote vya Wilaya ya Ngara, Biharamulo, Karagwe, Kyelwa na Chato:-

Je, Serikali ina mpango gani wa kutumia mito hii miwili ili kumaliza kabisa tatizo la maji katika maeneo yote tajwa.

WIZARA YA AFYA, MAENDELEO YA JAMII, JINSIA, WAZEE NA WATOTO:

104. MHESHIMIWA FAIDA MOHAMMED BAKAR (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Wanafunzi wa Chuo Kikuu cha SUZA wa Sayansi ya Afya na Mazingira (Bachelor of Science in Environmental Health) ambao wanafanya internship ya mwaka mmoja Tanzania Bara sambamba na wale wanaomaliza Vyuo vya Tanzania Bara hawalipwi posho yeyote ya internship wakati wenzao wanaomaliza Tanzania Bara wanalipwa posho hizo:-

Je, ni kwa nini Wanafunzi hao hawalipwi posho hizo kama ambavyo wenzao wa Tanzania Bara wanalipwa ili kuwaondolea maisha magumu waliyonayo wakati wa internship ambayo yanaweza kusababisha kushindwa kutekeleza majukumu yao kwa ufanisi.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA KILIMO, MIFUGO NA MAJI:

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Kilimo, Mifugo na Maji pamoja na maoni na mapendekezo yaliyomo kwenye Taarifa hiyo.

MWENYEKITI WA KAMATI YA KUDUMU YA BUNGE YA ARDHI, MALIASILI NA UTALII:

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Ardhi, Maliasili na Utalii pamoja na maoni na mapendekezo yaliyomo kwenye Taarifa hiyo.

**DODOMA
09 FEBRUARI, 2017**

**DKT. T. D. KASHILILAH
KATIBU WA BUNGE**